



TOSHKENT DAVLAT YURIDIK UNIVERSITETI REKTORINING B U Y R U G ' I

04.10.2023

170-um-son

Toshkent davlat yuridik universitetida “Qalqon” jamoatchilik guruhini tashkil etish to‘g‘risida

O‘zbekiston Respublikasi Prezidenti rahbarligida 2023-yil 11-aprel kuni “Yoshlar siyosati sohasidagi ishlar natijadorligini oshirish hamda ular bilan ishlash tizimini yanada takomillashtirish chora-tadbirlari” yuzasidan o‘tkazilgan videoselektor yig‘ilishida berilgan 18-son topshiriqlar bayoni, O‘zbekiston Respublikasi Oliy ta‘lim, fan va innovatsiyalar vazirligi, Mudofaa vazirligi, Ichki ishlar vazirligi, Milliy gvardiya, Yoshlar siyosati va sport vazirligi tomonidan 2023-yil 28-avgust kuni taqdiqlangan “Oliy ta‘lim muassasalarida “Qalqon” jamoatchilik guruhini tashkil etish to‘g‘risida”gi 30-q/q-son, 26-son, 40-son, 26-son va 26-q/q-son qo‘shma qarorida belgilangan vazifalar ijrosini ta‘minlash, Toshkent davlat yuridik universiteti (bundan buyon matnda – Universitet) talabalarini harbiy vatanparvarlik ruhida tarbiyalash, jamoat tartibini saqlashga ko‘maklashish, huquqbuzarliklar profilaktikasi va jinoyatchilikka qarshi kurashish, universitetda ijtimoiy-ma‘naviy muhitni barqarorlashtirishga ko‘maklashish maqsadida

BUYURAMAN:

1. O‘zbekiston Respublikasi Oliy ta‘lim fan va innovatsiyalar vazirligi, Mudofaa vazirligi, Ichki ishlar vazirligi, Milliy gvardiya, Yoshlar siyosati va sport vazirligining 2023-yil 28-avgustdagi 30-q/q-son, 26-son, 40-son, 26-son va 26-q/q-son qo‘shma qarori ma‘lumot va ijro uchun qabul qilinsin.

2. Qo‘shma qaror bilan quyidagilar:

barcha oliy ta‘lim muassasalarida “Qalqon” jamoatchilik guruhlari (bundan buyon matnda – Jamoatchilik guruhi) tashkil etish belgilanganligi;

“Qalqon” jamoatchilik guruhlarini tashkil etish to‘g‘risida namunaviy nizom tasdiqlanganligi;

jamoatchilik guruhi a‘ziligiga muddatli harbiy xizmatni o‘tagan, a‘lo va yaxshi baholarda o‘qiyotgan, O‘zbekiston yoshlar ittifoqining a‘zosi bo‘lgan fidoiy talaba-yoshlar qamrab olinishi;

jamoatchilik guruhi a'zolarini rag'batlantirib borish va ularga maxsus belgilarga ega bo'lgan kiyim (forma) va a'zolik guvohnomalari taqdim etilishi belgilanganligi inobatga olinsin.

3. Universitetda tahsil olib kelayotgan, muddatli harbiy xizmatni o'tagan fidoiy yoshlardan iborat tarkibda "Qalqon" jamoatchilik guruhi tashkil etilsin.

4. Birinchi prorektor A.Xashimhonov:

jamoatchilik guruhiga qabul qilish uchun universitetda tahsil olib kelayotgan muddatli harbiy xizmatni o'tagan, O'zbekiston yoshlar ittifoqi a'zosi bo'lgan hamda ushbu sohaga qiziqishi bo'lgan fidoiy talaba-yoshlar ro'yxatini shakllantirish va tanlab olishni nazoratga olsin;

jamoatchilik guruhi sardorini saylash jarayoni adolatli tashkil etsin va unga o'z faoliyatini samarali tarzda tashkil etishi uchun ko'maklashsin;

jamoatchilik guruhi o'z faoliyatini namunaviy nizom asosida tashkil etishini, ular uchun zarur shart-sharoitlar yaratilishini nazoratga olsin;

jamoatchilik tuzilmasiga belgilangan vazifalar doirasida tegishli tarkibiy tuzilmalar bilan hamkorlikda ish olib borishlari uchun zarur sharoit yaratsin;

tegishli tarkibiy tuzilmalar bilan kelishgan holda jamoatchilik guruhi a'zolarini rag'batlantirib borish yuzasidan taklif kiritib borsin.

5. Prorektor A.Iminov:

zaruratga ko'ra jamoatchilik guruhi a'zolarini maxsus ajratuvchi belgilarga ega bo'lgan kiyim (forma) va a'zolik guvohnomasi bilan ta'minlashni nazoratga olsin;

jamoatchilik guruhi a'zolarini yoshlar masalalari va ma'naviy-ma'rifiy ishlar bo'yicha birinchi prorektor (A.Xashimhonov)ning bildirgisiga muvofiq belgilangan tartibda rag'batlantirib borilishini nazoratga olsin.

jamoatchilik guruhi faoliyatini tashkil etish bilan bog'liq zarur xarajatlarni universitetning budjet va budjetdan tashqari hamda homiylik mablag'lari hisobidan qoplash choralarini ko'rsin.

6. Ma'naviyat va ma'rifat markazi (Sh.Po'lotov) hamda fakultet dekanlari:

jamoatchilik guruhi faoliyati bo'yicha talabalar orasida keng tushuntirish va targ'ibot ishlarini olib borish orqali uning faoliyatiga qiziqadigan talabalar safini kengaytirish choralarini ko'rsin;

jamoatchilik guruhi a'zolari bilan birgalikda universitetga qarashli hududlarda jamoat tartibini saqlash, huquqbuzarliklarni barvaqt aniqlash va ularning oldini olish, profilaktik tadbirlarni amalga oshirish, talabalarni turli axborot xurujlari va yod g'oyalar ta'siridan saqlash, universitet ichki-tartib va Odob-axloq kodeksiga rioya etishlari borasida yaqindan hamkorlik qilsin;

jamoatchilik guruhi a'zosi bo'lgan talabalarga o'z faoliyatlarini samarali tashkil etishlariga ko'maklashsin.

7. Ushbu buyruq ijro nazorati birinchi prorektor A.Xashimhonov va prorektor A.Iminovlar zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Katta yuriskonsult

A.TURSUNOV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

D.UMARXANOVA



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

B.MUSAYEV



Bo‘lim boshlig‘i

S.MAMANAZAROV



Moliya-iqtisod ishlar bo‘yicha
prorektor

A.IMINOV



Bosh buxgalter

M.PARPIYEV



YOshlar masalalari va ma‘naviy-
ma‘rifiy ishlar bo‘yicha dekan
o‘rinbosari

M.NODIROV



YOshlar masalalari va ma‘naviy-
ma‘rifiy ishlar bo‘yicha dekan
o‘rinbosari

A.KUSHMATOV

